



# 60. rođendan

## EVROPSKE ZASTAVE

Simbol  
cijele Evrope

COUNCIL OF EUROPE



CONSEIL DE L'EUROPE

# Dvanaest zvijezda, **60 godina**

---



■ Evropska zastava se sada vijori svuda na našem kontinentu. Plava zastava sa dvanaest zlatnih zvijezda ima 60 godina.

■ Već više od pola stoljeća ona simbolizira ambicije i stvarnost Evrope.

■ **Otkako je prihvaćena od Vijeća Evrope i njegovih tadašnjih 14 država članica, evropska zastava je neprekidno izražavala volju sve većeg broja država i naroda da zajedno izgrađuju mir i napredak uz poštovanje zajedničkih vrijednosti: demokratije, ljudskih prava, pravne države i davanja pune važnosti različitostima.**

■ 1985.godine, Evropske zajednice (danas Evropska unija) takođe su prihvatile zastavu, nastavljajući vlastitim političkim i institucionalnim metodama isti osnovni projekat.

■ Vijoreći, pored državnih zastava, u gradskim vijećnicama, regionalnim ustanovama i političkim državnim institucijama u cijeloj Evropi, plavo-zlatna zastava označava ne samo evropske institucije u Strazburu, Briselu i Luksemburgu, nego i prisustvo Evrope u svijetu.

■ Uz saglasnost tih ustanova, postala je dio vizuelnog identiteta hiljada inicijativa i bezbrojnih poduhvata građanskog društva.

■ Evropska izgradnja je imala mnoštvo spektakularnih uspjeha, ali je naravno nailazila i na brojne teškoće. Međutim, volja da se ide naprijed ne slabi. O tome svjedoči i dugovječnost ove zastave.

## RAĐANJE DVANAEST ZVIJEZDA

---

■ Od nastanka 1949. godine, Vijeće Evrope je shvatilo da su mu potrebni upečatljivi simboli koji će pokazivati njegovu privrženost evropskom jedinstvu.

■ Prijedlog Panevropske unije grofa Coudenhove-Kalergija, žuti krug sa crvenim krstom na plavom polju, kao i prijedlog Pokreta za Evropu, zeleno "E" na bijelom polju, nisu dobili nikakvu podršku

■ Uostalom nije postojala nikakva ozbiljna inicijativa za promociju ideje o zastavi dok, 1949. godine, Vijeće Evrope nije postalo prva zvanična evropska politička organizacija.

■ Od 1950. godine, različite grupe eksperata, vijeća i odbora počele su dugo i pomno ispitivati više od stotinu prijedloga umjetnika, heraldičara i oduševljenih amatera iz cijelog svijeta. Ali nikakva odluka nije donesena



■ U aprilu 1955., Komitet ministara Vijeća Evrope izabrao je dva projekta. Prvi, koji je predstavljao "krunu od 12 zlatnih petokrakih zvijezda čiji se vrhovi ne dotiču", bio je prijedlog Arsena Heitza, člana Vijeća Evrope, a drugi je bio prijedlog Salvadora de Madariage i predstavljao je sazviježde.

■ U decembru 1955., po odobrenju Parlamentarne skupštine Vijeća Evrope, Komitet ministara je prihvatio prvi projekat i svim evropskim ustanovama je preporučeno da ga prihvate.

■ Komitet ministara Vijeća Evrope je organizovao svečano proglašenje u dvorcu La Muette u Parizu, 13. decembra 1955., i od tada je zastava postala zvanična.

Izbor odbijenih projekata  
evropskih zastava



**60.**  
**rođendan**

**EVROPSKE  
ZASTAVE**

## ZAJEDNIČKA ZASTAVA

■ 1983. godine, Evropski parlament, izborni organ Evropske unije, prihvatio je zastavu koju je kreiralo Vijeće Evrope i predložio je da to postane amblem Evropskih zajednica.


■ Vijeće Evrope se saglašava i Evropski savjet (vrhovno tijelo Evropske unije) odobrava taj prijedlog u junu 1985.

■ Od 1986. godine, evropska zastava i amblem predstavljaju i Vijeće Evrope i Evropske zajednice (koje su postale Evropska unija). Azurno plava zastava sa dvanaest zlatnih zvijezda postala je simbol, u pravom smislu te riječi, evropskog identiteta i ujedinjene Evrope.

■ Vijeće Evrope i Evropska komisija osiguravaju odgovarajuću i dostojanstvenu upotrebu ovog simbola.

■ Evropske ustanove poduzimaju sve neophodne mjere protiv zloupotrebe evropskog amblema.

## SNAGA SIMBOLA




■ Krug od dvanaest zvijezda na plavoj podlozi simbolizira ideale ujedinjenja, solidarnosti i harmonije među narodima Evrope. On predstavlja 820 miliona Evropljana.

■ Broj zvijezda se ne mijenja i nije vezan za broj država članica Evropske unije ili Vijeća Evrope. Broj dvanaest podsjeća na savršenstvo, punoću, ali i na mjesecu u godini ili na sate u toku dana.

■ Sve zvijezde na zastavi su postavljene uspravno, tako da je jedan krak upravljen prema gore, a dva druga se nalaze na nevidljivoj horizontalnoj liniji. Krug je uređen tako da zvijezde zauzimaju položaj kao i sati na brojčaniku sata. Zvijezde formiraju otvoreni krug i njihovi krakovi se ne dodiruju.



 Države članice Vijeća Evrope





## 47 DRŽAVA ČLANICA VIJEĆA EVROPE

Albania, Andorra, Armenia, Austria, Azerbaijan, Belgium, Bosnia and Herzegovina, Bulgaria, Croatia, Cyprus, Czech Republic, Denmark, Estonia, Finland, France, Georgia, Germany, Greece, Hungary, Iceland, Ireland, Italy, Latvia, Liechtenstein, Lithuania, Luxembourg, Malta, Republic of Moldova, Monaco, Montenegro, Netherlands, Norway, Poland, Portugal, Romania, Russian Federation, San Marino, Serbia, Slovak Republic, Slovenia, Spain, Sweden, Switzerland, "the former Yugoslav Republic of Macedonia", Turkey, Ukraine, United Kingdom.

## 28 DRŽAVA ČLANICA EVROPSKE UNIJE

Austria, Belgium, Bulgaria, Croatia, Cyprus, Czech Republic, Denmark, Estonia, Finland, France, Germany, Greece, Hungary, Ireland, Italy, Latvia, Lithuania, Luxembourg, Malta, Netherlands, Poland, Portugal, Romania, Slovak Republic, Slovenia, Spain, Sweden, United Kingdom.

Države članice Vijeća Evrope i Evropske unije

Država koja nije članica Vijeća Evrope i EU-a (Bjelorusija)





## Vijeće Evrope i Evropska unija: dvije organizacije koje unapređuju mir

---

■ Vijeće Evrope, sa svojih 47 država članica, radi na jačanju ljudskih prava i demokratije na čitavom kontinentu i izvan njega.

■ Evropska unija (EU) nastoji međusobno približiti svojih 28 država članica i ekonomski i politički, usklađujući zakonodavstvo i praksu u određenim oblastima politike.

■ Vijeće Evrope i Evropska unija već više godina zajednički rade na jačanju demokratije i ljudskih prava gdje god je to potrebno. Zajednički su pokrenuti veliki programi i uložena značajna sredstva u tim oblastima.





## AKTIVNOSTI

---

### VIJEĆE EVROPE

- Vijeće Evrope priprema konvencije i uspostavlja zakonske standarde za svoje države članice.
- Provjerava kako se oni izvršavaju i razvija programe za pomoć vladama kako bi mogle ispoštovati svoje obaveze.
- Presude Evropskog suda za ljudska prava su obavezujuće za zemlju na koju se odnose. One obavezuju vlade da mijenjaju i dopunjuju zakonodavstvo i administrativnu praksu u mnogim oblastima.

### EVROPSKA UNIJA (EU)

- Evropska unija uspostavlja evropsko pravo, ugovara trgovinske sporazume i osigurava finansiranje različitih projekata.
- Ona je stvorila ekonomsku i monetarnu uniju uspostavivši zonu slobodne razmjene sa zajedničkim novcem (eurom).
- Evropska unija ima ekskluzivne ovlasti, naročito na ekonomskom polju, što znači da su njene države članice prenijele na nju dio svog suvereniteta.

# FUNKCIONISANJE

---

## VIJEĆE EVROPE

■ **Komitet mistara** je izvršni organ Vijeća Evrope. Čine ga ministri inostranih poslova država članica i on odobrava budžet i program rada Organizacije. On nadgleda izvršavanje odluka Evropskog suda za ljudska prava.

■ **Parlamentarna skupština**, sastavljena od izabranih predstavnika 47 državnih parlamenata, je mjesto za rasprave i prijedloge koji se odnose na socijalna i politička pitanja kontinenta. Ona je pokrenula prihvatanje mnogih konvencija Organizacije, među kojima je i Evropska konvencija o ljudskim pravima.

■ **Evropski sud za ljudska prava** brine o poštovanju Evropske konvencije o ljudskim pravima u 47 država članica. Predmete mogu pred njega iznositi i pojedinci i države.

## EVROPSKA UNIJA (EU)

■ **Evropska komisija** je izvršni organ Evropske unije. Ona predlaže evropske zakone, i osigurava njihovu korektnu primjenu, upravlja budžetom, osigurava praćenje izvršavanja ugovora i nadgleda svakodnevno upravljanje Evropskom unijom.

■ **Ministarski savjet** Evropske unije predstavlja opšte interese vlada država članica. Njegova budžetska i zakonodavna ovlaštenja podijeljena su sa ovlaštenjima Evropskog parlamenta.

■ **Evropski parlament**, izabran opštim neposrednim glasanjem, dijeli svoja budžetska i zakonodavna ovlaštenja sa Ministarskim savjetom EU. On bira predsjednika Evropske komisije.

■ **Evropski sud pravde** osigurava primjenu prava Evropske unije, a njegovo mišljenje mogu tražiti državni sudovi.



**Conseil de l'Europe**  
**Avenue de l'Europe • 67075 Strasbourg • France**

Slobodno konsultujte naš website  
**[www.coe.int](http://www.coe.int)**



Publikacije Vijeća Evrope  
**[book.coe.int](http://book.coe.int)**

Online dokumentacija i izvori  
**[edoc.coe.int](http://edoc.coe.int)**



## Povodom 60-e godišnjice evropske zastave, ova brošura predstavlja istorijat i simboliku zajedničkog amblema evropskih institucija



PREMS 05061 5

BOS

[www.coe.int](http://www.coe.int)

Vijeće Evrope je glavna organizacija za odbranu ljudskih prava na kontinentu. Ono broji 47 država članica, od kojih je 28 članica Evropske unije. Sve države članice Vijeća Evrope su potpisale Evropsku konvenciju o ljudskim pravima, sporazum koji ima za cilj da štiti ljudska prava, demokratiju i pravnu državu. Evropski sud za ljudska prava kontrolira provođenje Konvencije u državama članicama

COUNCIL OF EUROPE



CONSEIL DE L'EUROPE